

PEMBERITAHU PERTANYAAN DEWAN RAKYAT

PERTANYAAN : **LISAN**
DARIPADA : **DATO' OTHMAN BIN AZIZ [JERLUN]**
TARIKH : **9.6.2014**
SOALAN :

Dato' Othman bin Aziz [Jerlun] minta **MENTERI PENDIDIKAN** menyatakan sama ada Kementerian bercadang untuk menyelaraskan tawaran kemasukan pelajar baru ke IPTA yang berhampiran dengan tempat tinggal bagi mengurangkan kos perjalanan dan kos sara hidup berbanding pelajar yang ditempatkan jauh daripada kediaman mereka.

JAWAPAN

Tuan Yang di-Pertua,

Pemilihan pelajar ke Institusi Pengajian Tinggi Awam (IPTA) dilaksanakan berdasarkan prinsip meritokrasi, dengan mengguna pakai 90% markah akademik dan 10% markah ko-kurikulum untuk menjana markah merit calon. Berdasarkan prinsip meritokrasi, semua pemohon yang layak dengan markah merit tertinggi tanpa mengira agama, jantina, bangsa, taraf hidup dan tempat tinggal layak dipertimbangkan untuk ditawarkan tempat di IPTA. Peratus jaya (*success rate*) pemohon pula bergantung kepada bilangan pemohon yang layak mengikut program pengajian dan trend pemilihan calon. Trend pemilihan calon adalah bergantung kepada program pengajian dan institusi yang dipilih oleh pemohon.

Justeru itu, Kementerian Pendidikan Malaysia tidak bercadang untuk menyelaraskan tawaran kemasukan pelajar baharu ke IPTA yang berhampiran dengan tempat tinggal pemohon memandangkan tawaran yang diberikan adalah berdasarkan pilihan bidang pengajian dan pilihan institusi oleh pemohon.